

ZURE OROIZ

(Aita Donostiri)

Biotz-muiñak negar-miñ, berati,
Kili-kli leunki dagit.
Eresi-marmari xamur, ezti,
Gaur oroipenak dakarzkit.
Ene barnia min-ibaien blai,
Otoitz bi sendo dari,
Barne-ots batek dasaitelarik,
Illoitz dala A. Donostil!!!

Naigabe-gar mingotsak miazten
Gogorki sarritan naute.
Zurmur ixilkor-kixkurrak iarri
Ezbai-zalantzeta didate!
Zu'ri leun-eztiro daskaizudan
Illeta-eresi leuna, mee
Au zuzentzean, muiñetan dot latz-latz
samiñ, mingots, garratz utsune!

Biotza taupaka da ler-zori;
Begiak dute jario,
Dakartelarik oroipenera
Zure min-garratz erio!
Biotz-miñ, gau gibelian nago,
Ixilla xurkatuz leunkiro!
Barnean ixil, ots...ots..., lo, lo, lo...

Barne-muiñetako ai-ots mindu
Abek zuretzat bitez.
Zure soiña ximel do; eten dira
Bai ia, zure gorputz-kate!
Goiruntz tinko begiraz, zerraldo
alboan illotzik zaude.

Zure irudiak goibel-tente,
Xoil dasaigu: zerur arte!...

Mendia billoitsik ia uda-min
Negar-ztinka da gurekin;
Euskaldunak maite-sutan gori.
Gau beltz dute Euskalerrin!
Beren negar, irrintz, oju, zotin
goiz-egoak nunai berekin
Banatzen ditu, itun itunki,
Txistu-zarata aundikin.

Bekaiñak leunki ditut igurtzi;
Ots... barne-ixillaldia
Muxioka daut urratu, entzunaz
Zure abots-dei eztia.
Ene biotzak bor-hor-bor otoitz
Leun minberati dagitzu;
Zeure ondoan, oroi leunez bildua,
Ordu luzetan duzu! ...

Illobi illunak laixter bere
Erraietan zaitu irentsi.
Zeru goitik xoilki dasaiguzu:
"Jainkoaren naia onetsi;
Barneko ezbai, izu ta bildur
Biotz beteaz ezetsi,
Orain zorun-dirdiz atsedenean
Jauna gurtzen naiz ta ...asi".

Benetan aspaldian guengandik
urrun, bai, txit urrun zera;
Ia-ia zure ezpain-arrosetan
Ezta irripar mee ura.
Gaur, samin-bitsetan pil-pil, Zu ri
Oroigarritzko Donosti,
Ene biotz minberatiak
Azken AGUR au leun dagi !!!

Muxika tar Luis Maria
Villaro'ko Sakramentinoa.